

INFORME PROPOSTA DO SERVIZO DE CONTRATACIÓN

ASUNTO: CONTRATACIÓN DE DEZ PRAZAS PARA A ATENCIÓN DE PERSOAS MAIORES DEPENDENTES EN RÉXIME DE ATENCIÓN DIURNA (FONDO ESTATAL PARA O EMPREGO E A SOSTENIBILIDADE LOCAL – 10 FEESL04). APROBACIÓN DOS PREGOS DE PRESCRICIÓN TÉCNICAS E DE CLÁUSULAS ADMINISTRATIVAS PARTICULARES, ASÍ COMO DO GASTO E A ADXUDICACIÓN POR PROCEDEMENTO ABERTO E TRAMITACION DE URXENCIA. APERTURA DO PROCEDEMENTO DE ADXUDICACIÓN.

ANTECEDENTES

I. Informe do departamento de planificación e control de concesións relativo ó custo máximo para a contratación de dez prazas para a atención de persoas maiores dependentes en réxime de atención diurna.

II. Informe emitido pola xefa de servizo de servizos sociais con data 11 de febreiro de 2010 relativo á necesidade de concertar dez prazas nun centro de día para a atención de persoas maiores dependentes en réxime de atención diurna con proposta de aplicación da tramitación de urxencia.

III. Prego de prescricións técnicas para o concerto de dez prazas nun centro de día para a atención de persoas maiores dependentes en réxime de atención diurna elaborado polos servizos sociais do Concello.

IV. Informe de Intervención do día no que, entre outros aspectos, se pon de manifesto a existencia de crédito adecuado e suficiente por importe estimado de 71.556 euros correspondente ó gasto da anualidade 2010 (código de proxecto 10FEESL04) e a necesidade de adopción de acordo pola Xunta de Goberno de compromiso fehaciente de habilitación de crédito no presuposto de 2011 e no caso de prórrogas.

LEXISLACIÓN APLICABLE

- Lei 7/1985, do 2 de abril, reguladora das bases do réxime local (LRBRL).

CONTRATACION, PATRIMONIO E FOMENTO

MLA/atm

Refª: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

- Real decreto legislativo 781/1986, do 18 de abril, polo que se aproba o Texto refundido das disposicións legais vixentes en materia de réxime local (TRRL).
- Lei 5/1997, do 22 de xullo, de Administración local de Galicia (LALG).
- Lei 30/2007, do 30 de outubro, de contratos do sector público (LCSP)
- Real decreto 1098/2001, do 12 de outubro, polo que se aproba o Regulamento xeral da Lei de contratos das administracións públicas (RXLCAP).
- Real Decreto 817/2009 do 8 de maio polo que se desenvolve parcialmente a Lei 30/2007 do 30 de outubro de Contratos do Sector Público.
- Lei 39/2006, de 14 de decembro, de promoción da autonomía persoal e atención ás persoas en situación de dependencia.
- Lei 31/1995, de prevención de riscos laborais (LPRL) e os seus regulamentos.
- Calquera outras disposicións legais vixentes que lles sexan de aplicación ás corporacións locais.

CONSIDERACIÓNS XURÍDICAS

Primeira. Este contrato pode ser cualificado como un contrato de xestión de servizo público, que aparece definido no artigo 8 da LCSP como “aquel polo que unha Administración Pública encomenda a unha persoa natural ou xurídica a xestión dun servizo cuxa prestación foi asumida como propia da súa competencia pola Administración encomendante”. Aparece regulado na LCSP nos artigos 116, 117 e 251 e seguintes da LCSP. O obxecto do presente contrato é o concerto de dez prazas para a atención de persoas maiores dependentes en réxime de atención diúrna. Polas características do contrato, propónse a modalidade de concerto con persoa natural ou xurídica que veña realizando prestacións análogas ás que constitúen o servizo público de que se trate (artigo 253. c) da LCSP).

Segunda. O prego de condicións elaborado para disciplinar a licitación e o contrato recolle as esixencias legais sinaladas e adáptase á normativa aplicable. Contén, con carácter xeral, os aspectos que son de contido obrigatorio, segundo o disposto nos artigos 99 da LCSP e 67.4 do RXLCAP, salvo os que non son procedentes tendo en conta a modalidade de contrato elixida.

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

O procedemento de adxudicación elixido é o aberto, previsto e regulado polos artigos 122, 141 e seguintes da LCSP. No prego de cláusulas administrativas particulares determinanse os criterios de valoración das ofertas, os cales respectan, a criterio deste servizo, os principios de obxectividade e proporcionalidade esixidos pola LCSP.

Terceiro.- Consta no informe da xefa de servizo de servizos sociais a proposta da aplicación de urxe cía xa que as ditas prazas están vinculadas ó Fondo Estatal para o emprego e a sostenibilidade local.

Efectivamente o Real Decreto- Lei 13/2009 de 26 de outubro permite a financiación de gastos correntes vinculados a programas de actuación de carácter social. Así foi solicitada a financiación do proxecto “ Centro de Día” (10 FEESL 04) que inclúe a contratación de novas prazas para o ano 2010. A dita solicitude foi estimada por resolución de 29 de xaneiro de 2010.

Cuarta. En canto ó órgano municipal competente para aprobar o expediente da contratación de referencia, de acordo co disposto na disposición adicional segunda da Lei de contratos do sector público, á Xunta de Goberno Local correspóndellen as contratacións e concesións, incluídas as de carácter plurianual.

Por todo o anteriormente exposto e no uso das atribucións conferidas á Xunta de Goberno Local na disposición adicional segunda da Lei 30/2007, de 30 de outubro, de contratos do sector público, e a normativa específica de aplicación, propónselle á Xunta de Goberno Local a adopción dos seguintes acordos:

Primeiro. Aprobar a contratación de DEZ PRAZAS PARA A ATENCIÓN DE PERSOAS MAIORES DEPENDENTES EN RÉXIME DE ATENCIÓN DIÚRNA así como a tramitación de urxencia.

Segundo. Aprobar os pregos de prescricións técnicas e de cláusulas administrativas particulares que rexerán na licitación, do seguinte teor literal:

PREGO DE CLÁUSULAS ADMINISTRATIVAS PARTICULARES QUE REXERÁ NA CONTRATACIÓN DE DEZ PRAZAS PARA A ATENCIÓN DE PERSOAS MAIORES DEPENDENTES EN RÉXIME DE ATENCIÓN DIÚRNA.

PRIMEIRA. OBXECTO DO CONTRATO

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

É obxecto deste contrato o concerto de **dez prazas**, en réxime de atención diúrna, para a atención de persoas da terceira idade residentes no termo municipal de Lugo que, polas súas eivas físicas ou mentais, socioeconómicas ou familiares, teñan reducida a súa autonomía para as actividades da vida diaria, levando a cabo, a nivel preventivo, educativo, asistencial e rehabilitador, unha serie de atencións ou coidados de carácter persoal, psicosocial, educativo e técnico de cara a procurar o seu benestar físico, psíquico e/ou social, proporcionándolles a posibilidade de continuar no seu contorno natural, mentres iso sexa posible e conveniente.

O obxecto céntrase pois en concertar **dez prazas** nas que se oferten as prestacións propias dos centros de días pertencentes ós servizos sociais do Concello de Lugo, concretándose as devanditas prestacións nos seguintes módulos de atención que aparecen desenrolados no prego de prescricións técnicas:

1. MÓDULO DE PRESTACIÓNS SOCIAIS.
2. MÓDULO DE ATENCIÓN Á SAÚDE PSICOFÍSICA.
3. MÓDULO DE SOCIALIZACIÓN E PARTICIPACIÓN.
4. MÓDULO DE PRESTACIÓNS COMPLEMENTARIAS.

O presente contrato contén a seguinte codificación segundo a nomenclatura

CNAE 2009 . 88.11 Actividades de servizos sociais sen aloxamento para persoas maiores.

CPV: 85312100-0 Servizos de centros de día

SEGUNDA. NATUREZA E RÉXIME XURÍDICO DO CONTRATO

Trátase dun contrato de xestión de servizo público, recollido e regulado nos artigos 8, 116, 117 e 251 e seguintes da Lei 30/2007, do 30 de outubro, de contratos do sector público e concretamente na súa modalidade de concerto con persoa natural ou xurídica que veña realizando prestacións análogas ás que constitúen o servizo público de que se trate, segundo o disposto no artigo 253. c) do mesmo texto legal. O seu obxecto é o concerto de **dez prazas**, en réxime de atención diúrna, para a atención de persoas da terceira idade residentes no termo municipal de Lugo.

Para a lexislación aplicable deberán terse en conta as seguintes disposicións:

CONTRATACION, PATRIMONIO E FOMENTO

MLA/atm

Refª: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

- Lei 7/1985, do 2 de abril, reguladora das bases do réxime local (LRBRL).
- Real decreto lexislativo 781/1986, do 18 de abril, polo que se aproba o Texto refundido das disposicións legais vixentes en materia de réxime local (TRRL).
- Lei 5/1997, do 22 de xullo, de Administración local de Galicia (LALG).
- Lei 30/2007, do 30 de outubro, de contratos do sector público (LCSP)
- Real decreto 1098/2001, do 12 de outubro, polo que se aproba o Regulamento xeral da Lei de contratos das administracións públicas (RXLCAP).
- Real Decreto 817/2009 do 8 de maio polo que se desenvolve parcialmente a Lei 30/2007 do 30 de outubro de Contratos do Sector Público.
- Lei 39/2006, de 14 de decembro, de promoción da autonomía persoal e atención ás persoas en situación de dependencia.
- Lei 31/1995, de prevención de riscos laborais (LPRL) e os seus regulamentos.
- Calquera outras disposicións legais vixentes que lles sexan de aplicación ás corporacións locais.

O órgano de contratación, conforme o disposto no artigo 194 da LCSP e dentro dos límites e con suxeición ós requisitos e efectos sinalados nese texto legal e no resto da lexislación vixente, ten as prerrogativas de interpretar o contrato administrativo, resolver as dúbidas que presente o seu cumprimento, modificalo por razóns de interese público, acadar a súa resolución e determinar os seus efectos.

Expresamente faise constar que no caso de existir algunha discrepancia entre os pregos de prescricións técnicas e o previsto no presente prego de cláusulas administrativas, prevalecerá este último.

TERCEIRA. DURACIÓN DO CONTRATO

O prazo de duración deste contrato é de UN ANO contado desde a súa formalización en documento administrativo. O contrato poderá ser obxecto de prórroga, por períodos máximos anuais por acordo do órgano de contratación, adoptado con anterioridade ó remate do prazo de vixencia, sen que a duración total do contrato, incluídas as prórrogas, poida exceder de OITO ANOS.

CUARTA. PREZO DO CONTRATO

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

1. Para a determinación do prezo tense en conta a prestación do servizo de atención, a manutención e o transporte sendo o prezo unitario mensual por praza é de 662,56 euros mensuais máis o IVE (4%) de 26,50 euros polo que o prezo/praza mensual ascende a **689,06 euros IVE incluído**.

2.- En consecuencia o valor estimado do contrato para a primeira anualidade tendo en conta as dez prazas concertadas ascende a 79.507,20 euros polo que sumado o importe de IVE (4%) – 3.180,28 euros- resulta un total anual de 82.687,48 euros.

Considerando as posibles prórroga do contrato o valor estimado do contrato ascende a 636.057,60 euros.

3.- A tódolos efectos entenderase que nas ofertas e nos prezos ofertados se encontran incluídos tódolos gastos que a empresa debe realizar para o cumprimento das obrigas contratadas, como son os gastos xerais, financeiros, beneficios, seguro, transportes e desprazamentos, soldos do persoal ó seu cargo que leven a cabo a prestación dos servizos, taxas e toda clase de tributos,e en xeral, cantos gastos deba realizar a empresa para o cumprimento das obrigas contratadas.

4. Non procederá a revisión de prezos do contrato durante o primeiro ano tralo comezo da prestación dos traballos. Nas restantes anualidades e no caso de prórroga, os prezos de adxudicación revisaranse conforme á variación experimentada polo Índice de Prezos ó Consumo (IPC) durante a anualidade inmediatamente anterior.

O índice de revisión aplicado ó contrato será invariable durante a vixencia do mesmo e determinará a revisión de prezos en cada data respecto á data de adxudicación do contrato. Neste punto estarase por tanto ó que indiquen os artigos 78 e seguintes da LCSP.

QUINTA. PROCEDEMENTO E FORMA DE ADXUDICACIÓN. CAPACIDADE DE LICITAR

O presente contrato adxudicarase polo procedemento aberto, previsto e regulado polos artigos 122, 141 e seguintes da LCSP e **tramitación de urxencia ó tratarse dun contrato financiado polo Fondo Estatal para o emprego e a sostenibilidade local (Real Decreto-Lei 13/2009 de 26 de outubro)**

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

Están facultados para tomar parte na licitación e contratar con este Excmo. Concello as persoas naturais ou xurídicas, españolas ou estranxeiras, que teñan plena capacidade de obrar e non estean incursas en prohibición de contratar e acrediten a súa solvencia económica, financeira e técnica e profesional segundo o establecido nos artigos 43 e seguintes da LCSP.

Ademais das condicións xerais esixidas pola Lei, a empresa adxudicataria deberá dispoñer dunha organización con elementos persoais e materiais suficientes para a debida execución do contrato.

Os empresarios deberán contar, así mesmo, coa habilitación empresarial ou profesional que, de ser o caso, sexa esixible para a realización da actividade ou prestación que constitúa o obxecto do contrato.

Poderán así mesmo, presentar proposicións as unións de empresarios que se constituán temporalmente de conformidade co artigo 48 da LCSP. Cada un dos empresarios que compoñen a agrupación, deberá acreditar a súa capacidade de obrar e a súa solvencia económica, financeira e técnica ou profesional, coa presentación da documentación a que fan referencia as cláusulas seguintes, e deberán indicar en documento privado os nomes e circunstancias dos empresarios que subscriban, a participación de cada un deles e a persoa ou entidade que, durante a vixencia do contrato, posuira a plena representación ante a administración, e que asumen o compromiso de constituírse en unión temporal de empresas. O citado documento deberá estar firmado polos representantes de cada unha das empresas compoñentes da unión.

SEXTA. CRITERIOS DE SOLVENCIA ECONÓMICA, FINANCEIRA E TÉCNICA

6.1.-A xustificación da solvencia económica e financeira deberá acreditarse por un ou varios dos medios seguintes:

- a) Declaracións apropiadas de entidades financeiras ou, no seu caso, xustificante da existencia dun seguro de indemnización por riscos profesionais.
- b) Contas anuais presentadas no Rexistro Mercantil ou no Rexistro oficial que corresponda. Os empresarios non obrigados a presentar as contas en rexistros oficiais poderán aportar, como medio alternativo de acreditación, os libros de contabilidade debidamente legalizados.
- c) Declaración sobre o volume global de negocios e, no seu caso, sobre o volume de negocios no ámbito de actividades correspondente ó obxecto deste contrato, referido como máximo ós tres últimos exercizos dispoñibles en función da data

de creación ou de inicio das actividades do empresario, na medida en que se dispoña das referencias de dito volume de negocio.

Se por razóns xustificadas un empresario non pode facilitar as referencias solicitadas poderá acreditar a súa solvencia económica e financeira por calquera outra documentación considerada como suficiente pola Administración.

6.2 A solvencia técnica poderá ser xustificada por un ou varios dos medios seguintes:

- a) Relación dos principais servizos ou traballos realizados nos últimos tres anos que inclúa o importe, datas e o destinatario, público ou privado, dos mesmos. Os servizos ou traballos efectuados acreditaranse mediante certificados expedidos ou visados polo órgano competente, cando o destinatario sexa unha entidade do sector público, ou cando o destinatario sexa un suxeto privado, mediante un certificado expedido por éste, ou, a falta deste certificado, mediante unha declaración do empresario; no seu caso, estes certificados serán comunicados directamente ó órgano de contratación pola autoridade competente.
- b) Indicación do persoal técnico ou das unidades técnicas, integradas ou non na empresa, participantes no contrato, especialmente aqueles encargados do control de calidade.
- c) Descrición das instalacións técnicas, das medidas empregadas polo empresario para garantir a calidade e dos medios de estudo e investigación da empresa.
- d) Cando se trate de servizos ou traballos complexos ou cando, excepcionalmente, deban responder a un fin especial, un control efectuado polo órgano de contratación ou, en nome deste, por un organismo oficial ou homologado competente do Estado no que esté establecido o empresario, sempre que medie acordo do devandito organismo. O control versará sobre a capacidade técnica do empresario e, se fose preciso, sobre os medios de estudo e investigación de que dispoña e sobre as medidas de control de calidade.
- e) Titulacións académicas e profesionais do empresario e do persoal directivo da empresa e, en particular, do persoal responsable da execución do contrato.
- f) Nos casos axeitados, indicación das medidas de xestión medioambiental que o empresario poderá aplicar ó executar o contrato.
- g) Declaración sobre a plantilla media anual da empresa e a importancia do seu persoal directivo durante os tres últimos anos, acompañada da documentación xustificativa correspondente.

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

- h) Declaración indicando a maquinaria, material e equipo técnico do que se disporá para a execución dos traballos ou prestacións, á que se xuntará a documentación acreditativa pertinente.
- i) Indicación da parte do contrato que o empresario ten eventualmente o propósito de subcontratar.

Ademais da documentación sinalada, os licitadores deberán presentar obrigatoriamente certificación de estar rexistrados como entidades prestadoras de servizos sociais na Xunta de Galicia.

Igualmente, e polos motivos sinalados no prego de prescricións técnicas resulta necesario que o concerto se realice con entidade que dispoña das instalacións adecuadas para a prestación do servizo no termo municipal de Lugo.

SÉTIMA. GARANTÍAS

Os licitadores terán a obriga de presentar o xustificante de constitución dunha garantía provisional, por importe de **2.385,21 euros**.

O licitador que resulte adxudicatario provisional virá obrigado a constituír unha garantía definitiva dun 5% do importe de adxudicación, excluído o IVE, no prazo máximo de 10 días hábiles contados a partir da notificación da adxudicación provisional. De non se cumprir este requisito por causa imputable ó adxudicatario provisional, o Concello declarará decaída a adxudicación provisional ó seu favor, e será de aplicación o disposto no artigo 135.4 LCSP.

As garantías poderán prestarse nalgunha das formas sinaladasn o artigo 84 LCSP, esto é:

- a) En efectivo ou en valores de debeda pública, con suxeición, en cada caso, ás condicións establecidas na LCSP e normas de desenvolvemento.
- b) Mediante aval, prestado na forma e condicións que establezan as normas de desenvolvemento da LCSP, por algún dos bancos, caixas de aforro, cooperativas de crédito, establecementos financeiros de crédito e sociedades de garantía recíproca autorizados para operar en España, que deberán depositarse nos establecementos sinalados no artigo 84.1.a) da LCSP.
- c) Mediante contrato de seguro de caución celebrado cunha entidade aseguradora autorizada para operar no ramo. O certificado de seguro deberá entregarse nos establecementos sinalados no artigo 84. 1. a) da LCSP.

CONTRATACION, PATRIMONIO E FOMENTO

MLA/atm

Refª: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

Se a mesma garantía provisional se constituíse en metálico ou valores, será potestativo para o adxudicatario aplicar o seu importe á garantía definitiva ou proceder á nova constitución desta última. Neste suposto deberá ser cancelada a garantía provisional simultaneamente á constitución da garantía definitiva.

OITAVA. ANUNCIO DE LICITACIÓN E PRAZO DE PRESENTACIÓN DE PROPOSICIÓN

O Concello de Lugo publicará un anuncio de licitación no Boletín Oficial da Provincia de Lugo así como no perfil do contratante do Concello (www.lugo.es)
O prazo de presentación de proposicións será de **oito días naturais** contados dende a publicación do anuncio de licitación no Boletín Oficial da Provincia de Lugo.

NOVENA. PRESENTACIÓN DAS PROPOSICIÓN

As empresas presentarán a súa proposición en DOUS sobres pechados, asinados polo proponente ou polo seu representante, facendo constar o título do procedemento, nome do licitador, enderezo, teléfono e fax, para os efectos de notificacións. Os ditos sobres denominaranse coas letras A - Documentación administrativa e letra B de Proposición económica e relativa a criterios avaliábeis automaticamente.

Os sobres de que consta a proposición presentaranse, durante o prazo sinalado na cláusula oitava, antes sinalada, no Rexistro Xeral do Excmo. Concello de Lugo, en horario das 9 ás 14 horas (de luns a venres) ou enviadas por correo. No suposto que o último día de presentación das proposicións coincidise en sábado ou festivo prorrogarase ó seguinte día hábil.

Cando as proposicións se envíen por correo, o empresario deberá xustificarla data de imposición do envío e anunciarlle ó órgano de contratación a remisión da oferta mediante télex, telegrama ou fax no mesmo día. Sen a concorrencia de ambos os dous requisitos, non será admitida a proposición se é recibida polo órgano de contratación con posterioridade á data de remate do prazo sinalado no anuncio. Transcorridos, non obstante, 10 días naturais seguintes á dita data sen se recibir a proposición, esta non será admitida en ningún caso.

Faise constar expresamente a non admisibilidade de variantes ou alternativa nas proposicións por tratarse dun contrato cun obxecto perfectamente determinado.

DÉCIMA. DOCUMENTACIÓN ADMINISTRATIVA E PROPOSTA ECONÓMICA.

O sobre denominado A, documentación administrativa, conterà, como mínimo, os seguintes documentos:

- Acreditativos da personalidade do licitador, que poderán ser:

a) DNI do licitador, se se trata de empresario individual, ou escritura de constitución se se trata dunha sociedade, debidamente inscrita no seu correspondente rexistro.

b) Poder bastanteado: os que comparezan ou asinen proposicións representando a outra persoa ou entidade presentarán poder debidamente bastanteado pola Titular da Asesoría Xurídica do Concello ou por funcionarios do servizo de contratación do Concello habilitados para o efecto. Para isto, presentárase orixinal e fotocopia nas oficinas de contratación do Excmo. Concello de Lugo, cunha anterioridade mínima de dous días hábiles ó remate do prazo de presentación das proposicións, das 9,30 ás 14,00 horas, de luns a venres e aboarase a correspondente taxa (9,70 euros aprox.). Se a empresa fose persoa xurídica, o poder deberá estar debidamente inscrito no Rexistro Mercantil.

- Acreditación da solvencia económica, financeira e técnica e profesional polos medios indicados na cláusula sexta deste prego de cláusulas.

- Copia da certificación de estar rexistrados como entidade prestadora de servizos sociais en Galicia.

- Declaración responsable do licitador na que se faga constar que non se atopa incurso en ningunha das prohibicións para contratar co Concello de Lugo previstas no artigo 49 da LCSP e de que se atopa ó corrente no cumprimento das obrigas tributarias -incluídas tamén co Concello de Lugo- e de Seguridade Social impostas polas disposicións vixentes, sen prexuízo de que a xustificación acreditativa de tal requisito deba ser presentado, antes da adxudicación definitiva, polo empresario a favor do cal se vaia efectuar esta. Cando se trate de empresas de Estados membros da Unión Europea ou signatarios do Acordo sobre o Espazo económico europeo e esta posibilidade estea prevista na lexislación do Estado respectivo, poderá tamén substituírse por declaración responsable ante unha autoridade xudicial.

O cumprimento das obrigas tributarias pode substituírse por certificacións expedidas pola Axencia Tributaria segundo se trate de tributos estatais e das

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

obrigas de Seguridade Social mediante certificación expedida pola Tesourería xeral da Seguridade Social.

- Presentación da alta e, se é o caso, do último recibo do imposto sobre actividades económicas.

- Xustificante de constitución da garantía provisional por importe de **2.385,21** euros.

Os documentos a que se refire esta cláusula poderán ser orixinais ou presentarse mediante copia autenticada por notario ou pola Xefa do Negociado de Rexistro deste Excmo. Concello.

No caso de que as propostas fosen presentadas por estranxeiros, ademais da anterior documentación, terán que aportar a seguinte:

- Os licitadores estranxeiros de estados membros da Unión Europea ou asinantes do Acordo sobre o Espazo Económico Europeo acreditarán a súa capacidade de obrar mediante a inscrición nos rexistros ou presentación das certificacións que se sinalan no Real decreto 1098/2001, do 12 de outubro.

- Os licitadores de estados non membros da Comunidade Europea e dos non asinantes do Acordo sobre o Espazo Económico Europeo ademais de acreditar a súa capacidade para contratar e obrigarse conforme á lexislación do seu estado e a súa solvencia económica, financeira, deberán presentar os seguintes documentos:

- Certificación expedida pola respectiva representación diplomática española na que se faga constar que figuran inscritas no rexistro local, profesional, comercial ou análogo ou, se non, que actúan con habitualidade no tráfico local.

- Informe de representación diplomática española sobre a condición do estado signatario do acordo sobre contratación pública da Organización Mundial do Comercio ou, no caso contrario, o informe de reciprocidade a que se refire o artigo 23-1º da Lei de contratos das administracións públicas.

- Declaración de sometemento á xurisdición dos xulgados e tribunais españois de calquera orde para a resolución de calquera das cuestións litixiosas que puidesen xurdir durante a formalización e execución do contrato.

Os licitadores estranxeiros presentarán os documentos que teñan que achegar traducidos de forma oficial en calquera dos idiomas galego ou castelán.

O sobre denominado B, Proposición económica e relativa a criterios avaliados automaticamente, contera o seguinte modelo, debidamente cuberto.

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

Don, con domicilio en e DNI número, expedido o, en plena posesión da súa capacidade xurídica e de obrar, en nome propio (ou en representación de, con DNI ou CIF nº), fai constar:

a) Que solicita tomar parte no procedemento convocado para a **CONTRATACIÓN DE DEZ PRAZAS PARA A ATENCIÓN DE PERSOAS MAIORES DEPENDENTES EN RÉXIME DE ATENCIÓN DIURNA.**

b) Propón como prezo do contrato a cantidade de euros mensuais por praza máis o 4% de IVE polo que o prezo/praza mensual ascende a euros IVE incluído desglosado como segue:

- Custo de atención: euros máis IVE (4%). Total: euros
- Custo de manutención: euros máis IVE (4%). Total: euros
- Custo de transporte: euros máis IVE (4%). Total: euros

c) Acepta incondicionalmente cantas obrigas se deriven do prego de cláusulas administrativas particulares e das condicións técnicas, como licitador e como adxudicatario, no seu caso.

d) Reúne todas e cada unha das condicións esixidas para contratar coa Administración.

(Lugar, data e sinatura)

DÉCIMO PRIMEIRA. MESA DE CONTRATACIÓN E APERTURA DAS PROPOSICIÓNS.

De conformidade co previsto no artigo 295 LCSP a Mesa de Contratación estará integrada por:

PRESIDENTE: Sra Concelleira Delegada da Área de Economía e Emprego.

VOCALIS:

- O Concelleiro Delegado da Área de Benestar Social, Igualdade e Deportes.
- Un Concelleiro de cada un dos grupos políticos que forman a Corporación
- Interventor Xeral ou funcionario/a que o substitúa
- A Titular da Asesoría Xurídica do Concello ou funcionario/a que a substitúa.

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

SECRETARIO: O Xefe do Servizo de Contratación ou funcionario/a que o substitúa.

O acto público de apertura das propostas técnicas (sobre B) celebrarase ó segundo día natural contado a partires do remate do prazo de presentación de proposicións, procedéndose previamente á apertura e cualificación da documentación administrativa (sobre A). Se dito día coincidise en sábado ou festivo, a apertura realizarase ó seguinte día hábil. O devandito prazo ampliarase, no caso de ser necesario, ata o undécimo día, no suposto de recibirse regulamentariamente o aviso de presentación das proposicións por correo.

Posteriormente, e tras a valoración da documentación contida no sobre B e a proposta de puntuación obtida polos licitadores, convocarase a estes para o acto público de apertura de ofertas económicas (sobre C), tralo cal se producirá a valoración final e realización da proposta de adxudicación por parte da mesa de contratación.

DÉCIMO SEGUNDA. CRITERIOS DE AVALIACIÓN

Os **criterios de valoración** para a selección da empresa adxudicataria serán os seguintes, os cales se sinalan por orde decrecente de importancia e ponderación:

1. PREZO OFERTADO Á BAIXA (ATA 70 PUNTOS)

A proposición que oferte o prezo máis baixo obterá a máxima puntuación (70 puntos) e as proposición que presenten o prezo tipo de licitación obterán 0 puntos. As restantes proposicións valoraranse de xeito proporcional.

2. MELLORAS OU SERVIZOS OFERTADOS A MAIORES DOS PREVISTOS NOS PREGOS (ATA 30 PUNTOS)

Valorarase únicamente a amplicacion no número de prazas ofertadas cumprindo en todo caso as condicións esixidas nos pregos de prescripcións técnicas.

Obterá a máxima puntuación (30 puntos) as empresas que oferten o maior número de prazas coas condicuiions esixidas , 0 puntos as que non oferten prazas e as demásí de xeito proporcional.

DÉCIMO TERCEIRA. ADXUDICACIÓN PROVISIONAL E DEFINITIVA

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

1. A adxudicación provisional será efectuada polo órgano competente a proposta da Mesa de Contratación, unha vez obtidos, de ser o caso, os informes técnicos necesarios. Deberá notificarselles ós candidatos ou licitadores e publicarse no B.O.P e no perfil do contratante.

A adxudicación recaerá sobre a proposta que resulte economicamene máis vantaxosa. Poderá declararse deserta a licitación cando non exista oferta ningunha que sexa admisible de acordo cos criterios de adxudicación que figuran nos pregos.

2.- No prazo de dez días hábiles contados dende o seguinte a aquel en que se publique a adxudicación provisional no perfil do contratante e no BOP, o adxudicatario deberá presentar a documentación acreditativa de atoparse ó corrente no cumprimento das súas obrigas tributarias e coa Seguridade Social, así como o xustificante de constitución da garantía definitiva.

3.- A elevación a definitiva da adxudicación producirase dentro dos dez días hábiles seguintes a aquel en que expire o prazo sinalado no parágrafo anterior, de conformidade co artigo 135.4 da LCSP.

4.- O órgano de contratación poderá renunciar á celebración do contrato así como desistir do procedemento de conformidade co establecido no artigo 139 da LCSP.

DÉCIMO CUARTA. FORMALIZACIÓN DO CONTRATO

A formalización do contrato en documento administrativo efectuarase dentro do prazo de dez días hábiles a contar dende o seguinte ó da notificación da adxudicación definitiva, constituíndo dito documento título suficiente para acceder a calquera rexistro público. Non obstante, o contratista poderá solicitar que o contrato se eleve a escritura pública, e será ó seu cargo os correspondentes gastos.

Previamente á formalización do contrato o adxudicatario deberá achegar o xustificante de aboamento dos gastos dos anuncios de licitación e do importe dos impostos, dereitos, taxas, prezos públicos e demais que orixine a licitación e formalización do contrato.

No caso de que o contrato fora adxudicado a unha agrupación de empresas, deberán estas acreditar a constitución da mesma, en escritura pública, dentro do prazo outorgado pra a formalización do contrato.

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

Cando por causas imputables ó contratista non se puidera formalizar o contrato dentro do prazo sinalado, o Concello poderá acordar a resolución do mesmo así como a incautación da garantía provisional que, no seu caso, fora constituída, podéndose adxudicar ó licitador ou licitadores seguintes a aquel, por orde das súas ofertas, contando coa conformidade do novo adxudicatario.

DÉCIMO QUINTA. EXECUCIÓN DO CONTRATO

1. Os traballos executaranse con estrita suxeición ás cláusulas estipuladas neste prego e no prego de prescricións técnicas aprobado polo Concello e conforme as instrucións que, en interpretación técnica deste dera ó contratista o responsable do contrato (Xefe/a de servizo de servizos sociais do Concello de Lugo), o cal terá as facultades sinaladas no artigo 41 da LCSP.

Cando as instrucións foran de carácter verbal deberán ser ratificadas por escrito, o máis axiña posible, para que sexan vinculantes ás partes.

2. Se durante o desenvolvemento dos traballos se detectase a conveniencia ou necesidade da súa modificación ou a realización de actuacións non contratadas, actuarase na forma prevista nos artigos 194, 195, 202 e 258 da LCSP.

3. Os dereitos e obrigacións dimanantes do contrato poderán ser cedidos a un terceiro sempre que se cumpran os requisitos establecidos no artigo 209 da LCSP e que as calidades técnicas ou persoais do cedente non foran razón determinante da adxudicación do contrato.

4. Faise constar expresamente que a contratación polo adxudicatario da realización parcial do contrato con terceiros estará suxeita ós requisitos establecidos no artigo 210 da LCSP, así como o pagamento a subcontratistas e subministradores deberá axustarse ó disposto no artigo 211 da LCSP.

DÉCIMO SEXTA. GASTOS

Os gastos derivados da contratación e da formalización do contrato, incluíndose anuncios de licitación e taxas (600 euros aproximadamente), serán por conta do contratista adxudicatario.

Encontrarase, así mesmo, obrigado ó pagamento de tódolos xéneros de tributos estatais, locais e autonómicos e a solicitar a concesión das autorizacións e licencias que lle fosen necesarias das administracións ou organismos públicos ou privados, sendo da súa conta as xestións e gastos que se ocasionen.

DÉCIMO SÉTIMA. CUMPRIMENTO DAS OBRIGAS SOCIAIS E LABORAIS.

- O contratista estará obrigado a cumprir as disposicións vixentes en materia de protección da industria.
- O contratista está obrigado, igualmente, a cumprir as disposicións vixentes en materia laboral, de Seguridade Social e de seguridade e hixiene no traballo.
- O contratista comprométese a adoptar as medidas necesarias, tanto de carácter técnico como organizativo que garantan a seguridade dos datos que lles sexan facilitados ou ós que teñan acceso co fin de evitar a súa alteración, uso inadecuado, perda, tratamento e acceso non autorizado e a gardar sxiilo e segredo profesional aínda despois de rematar a relación co Concello de Lugo.

Para o cumprimento da Lei 31/1995, do 8 de novembro, de prevención de riscos laborais, a empresa deberá de achegarlle ó Gabinete de Prevención de Riscos Laborais do Concello con carácter previo ó inicio da prestación de que se trate a seguinte documentación:

1.- Xustificación da modalidade de desenvolvemento da actividade preventiva na empresa.

a) No suposto de que esta concertase un servizo de prevención alleo, deberá presentar certificación del, comprensiva das especialidades concertadas e vixencia do concerto.

b) No suposto de que sexa membro dun servizo mancomunado, deberá presentar a acta da súa constitución.

c) Se existe un traballador designado, haberá de indicarse o seu nome, así como a súa aceptación.

2.- Certificación de que a avaliación e plan de acción están feitas ou en procedemento, así como acreditar que foi realizada a información e formación dos traballadores, ou ben que se está realizando.

3.- No caso de que a empresa contratista subcontrate todos ou parte dos traballos con outras empresas, estas deberán de achegarlle a documentación esixida ó contratista principal, e este será responsable en caso de non levalos a cabo.

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

4.- En todo caso o Concello, en calquera momento durante o prazo de vixencia do contrato, poderá solicitar da empresa contratista ou subcontratista os requisitos legalmente establecidos na lexislación de prevención de riscos laborais.

5.- No caso de non achegar a dita documentación, non poderá realizarse a contratación. E no mantemento de tales requisitos durante o prazo de vixencia do contrato dará lugar á súa rescisión sen que iso xere ningún tipo de indemnización a favor da empresa.

Xúntase anexo ó presente prego para que sexa cuberto pola empresa e enviado ó Concello.

O incumprimento destas obrigas por parte do contratista ou a infracción das disposicións sobre seguridade por parte do persoal técnico designado por el non implicará responsabilidade ningunha para a Administración contratante

DÉCIMO OITAVA. RESPONSABILIDADE DO ADXUDICATARIO E OBRIGAS ESPECIAIS

O adxudicatario asumirá a total responsabilidade da execución do contrato fronte ó Excmo. Concello de Lugo, axustándose estritamente a este prego, ás condicións técnicas particulares e demais aspectos contractuais, así como o previsto na LCSP en relación coa subcontratación de calquera tipo de servizos, obras ou actividades propias desta.

O persoal propio da empresa adxudicataria non terá vinculación laboral, administrativa nin de calquera outra modalidade co Excmo. Concello de Lugo.

Para os efectos da responsabilidade que puidese derivarse para o adxudicatario por danos fronte a terceiros, por causa imputable á empresa ou a calquera dos seus elementos adscritos ó contrato, presentarase, previamente á formalización do contrato administrativo, seguro de responsabilidade civil para a cobertura dos riscos que puidesen derivarse da relación contractual co Excmo. Concello de Lugo polos importes que se sinalan na **cláusula sétima do prego de prescricións técnicas**.

Malia o anterior, o contratista non será responsable dos danos e perdas ocasionados cando sexan consecuencia dunha orde directa da Administración.

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

O contratista adxudicatario estará obrigado a gardar sixilo sobre o contido do contrato e a non facer uso dos datos que coñeza ou dos que dispoña, para outras finalidades que o obxecto da contratación.

DÉCIMO NOVENA. PAGAMENTO.

O pagamento efectuarase contra facturas mensuais, unha vez efectuados os controis regulamentarios e conformadas pola responsable do contrato, a Concelleira Delegada da Área de Benestar Social, Igualdade e Deportes e maila Concelleira Delegada da Área de Economía e Emprego.

Nas facturas deberán constar a relación nominal de usuarios atendidos na mensualidade e detalle dos servizos realizados, incluíndo o número de comidas subministradas e mailo transporte.

VIXÉSIMA. RÉXIME SANCIONADOR

O Concello poderá esixir responsabilidade ó contratista pola infracción dos seus deberes con independencia do procedente respecto á extinción do contrato.

As infraccións se clasifican en leves, graves e moi graves.

Faltas Leves:

- a) Retraso ou descuido no cumprimento das obrigas.
- b) Desobediencia leve das ordes que emanan da dirección do Servizo que se dicten para a eficaz e normal prestación do mesmo.
- c) En xeral, a falta de puntualidade ou o incumprimento dos seus deberes por negligencia ou descuido excusable.
- d) Tódalas demais infraccións que non sexan graves ou moi graves.

Faltas graves:

- a) O trato incorrecto dos empregados da empresa cos usuarios.
- b) A falsidade ou falsificación dos servizos.
- d) Desobediencia grave das ordes que emanan da dirección do Servizo que se dicten para a eficaz e normal prestación do mesmo.
- c) En xeral, o incumprimento grave dos deberes e obrigas co usuario e a comisión de tres faltas leves no transcurso de un ano.
- d) Non gardar o debido segredo profesional respecto dos asuntos que se coñezan en razón do servizo prestado e que perxudique ó usuario ou ás familias empregándoo en proveito propio.

Faltas moi graves:

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

- a) A acumulación ou reiteración de tres faltas graves cometidas no transcurso de un ano.
- b) O abandono do servizo, as faltas repetidas de puntualidade, a negligencia ou descuido continuado.
- c) A notoria falla de rendemento, a prestación incorrecta e defectuosa do servizo, tanto na súa calidade como na cantidade.
- d) A negativa infundada a realizar os servizos ou tarefas ordenados por escrito polos técnicos municipais ou persoas responsables, sempre que esta sexa unha actitude directamente imputable á empresa ou ós seus directivos responsables.
- e) Cualquera conducta constitutiva de delito, especialmente as coaccions e roubo ós usuarios do servizo.
- f) As ofensas verbais ou físicas ou o trato vexatorio ó usuario.

As sancións que se poderán impoñer ó contratista como resultado do expediente sancionador instruído a tal efecto serán as seguintes:

- a) No caso de faltas leves; multa ata 300 euros
- b) No caso de faltas graves; multa de 301 a 900 euros.
- c) No caso de faltas moi graves; multa de 901 a 1800 euros.

A imposición de sancions requirirá a tramitación do oportuno expediente sancionador. No dito procedemento darase audiencia ó contratista, practicarase a información e proba necesaria para a xustificación dos feitos e observaranse as garantías xurídico-administrativas prescritas pola Lei 30/1992 do Réxime Xurídico das Administracións Públicas e do Procedemento Administrativo Común, no que resulte aplicable.

A resolución do expediente será competencia do órgano de contratación.

VIXÉSIMO PRIMEIRA. EXTINCIÓN DO CONTRATO

Ademais de polo seu cumprimento, o contrato poderá extinguirse polas causas previstas nos artigos 206 e 262 e seguintes da LCSP, así como polo incumprimento por parte do adxudicatario das obrigas sinaladas nas condicións técnicas deste contrato.

A Administración estará facultada para proceder á resolución do contrato polas causas sinaladas no parágrafo anterior e cos efectos previstos nos artigos 207, 208 e 264 da LCSP.

Para os efectos de resolución do contrato incoarase un procedemento contradictorio no que se lle outorgue audiencia ó contratista para os efectos de

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

formulación de alegacións e presentación de cantos documentos estime conveniente en defensa dos seus dereitos.

A N E X O**DATOS:**

EMPRESA:			
ENDEREZO:			
LOCALIDADE:		PROVINCIA:	
PERSOA DE CONTACTO:			
TELÉFONO:		FAX.:	

MODALIDADE DE ACTIVIDADE PREVENTIVA

1º ☐ CONCERTO CON SERVIZO DE PREVENCIÓN ALLEO OU MUTUA			
NOME:			
ENDEREZO:			
LOCALIDADE:		PROVINCIA:	
PERSOA DE CONTACTO:			
TELÉFONO:		FAX:	
ESPECIALIDADES CONTRATADAS:			
PERÍODO DE VIXENCIA DO CONCERTO:			

*** XUNTAR O CERTIFICADO DE QUE REALIZOUSE A AVALIACIÓN E O PLAN DE ACCIÓN ASÍ COMO A INFORMACIÓN E FORMACIÓN DOS TRABALLADORES.**

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

2º ☐ COMO MEMBRO DO SERVIZO MANCOMUNADO

*** Xuntar a acta de Constitución.**

3º ☐ TRABALLADOR DESIGNADO

Nome e Apelidos:

Cargo:

NOME EMPRESARIO:

SELO DA EMPRESA

D.N.I.:

FIRMA:

DATA:

**PREGO DE PRESCRICIÓN TÉCNICAS PARA O CONCERTO DE DEZ
PRAZAS PARA A ATENCIÓN DE PERSOAS MAIORES
DEPENDENTES, EN RÉXIME DE ATENCIÓN DIÚRNA**

CLÁUSULA PRIMEIRA.- DESCRICIÓN DO SERVICIO.

É obxecto deste contrato concertar dez prazas, en réxime de atención diúrna, para a atención de persoas da terceira idade residentes no termo municipal de Lugo que, polas súas eivas físicas ou mentais, socioeconómicas ou familiares, teñan reducida a súa autonomía para as actividades da vida diaria, levando a cabo, a nivel preventivo, educativo, asistencial e rehabilitador, unha serie de atencións ou coidados de carácter persoal, psicosocial, educativo e técnico de cara a procura-lo seu benestar físico, psíquico e/ou social, proporcionándolle-la posibilidade de continuar no seu contorno natural, mentres iso sexa posible e conveniente.

Se ben é certo que existen na provincia outros Centros de Día resulta conveniente que a prestación do servizo se realice o máis próximo posible ós domicilios dos usuarios ou familiares coidadores para evitar que se produzan alteracións na conducta ou situacións conflictivas no momento do transporte xa que hai que lembrar que se trata de persoas que padecen patoloxías relacionadas con demencias seniles e vasculares ós que lles afectan enormemente os cambios de hábitos e costumes. **Por este motivo resulta necesario que o concerto se realice con entidade que dispoña das instalacións adecuadas para a prestación do servizo no termo municipal de Lugo.**

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

O obxecto deste contrato céntrase, pois, en concertar dez prazas nas que se oferten as prestacións propias dos centros de día pertencentes ós servizos sociais do concello de Lugo, concretándose as devanditas prestacións nos seguintes módulos de atención:

1.- MÓDULO DE PRESTACIÓNS SOCIAIS.

- Acollemento e orientación ó usuario/a
- Coordinación co plan de intervención establecido polo/a traballador/a social adscrito/a ós centros de día do concello
- Relación permanente coa familia
- Seguimento do caso
- Coordinación cos servizos sociais de atención primaria e/ou atención especializada

2.- MÓDULO DE ATENCIÓN Á SAÚDE PSICOFÍSICA.

2.a) Autonomía persoal:

- Adestramento en habilidades para favorecer modos de vida independentes
- Realización de exercicios de rehabilitación menor, encamiñados ó mantemento e á recuperación da autonomía funcional
- Realización de tarefas para o mantemento e recuperación das habilidades da vida diaria
- Aplicación e establecemento de condicións ambientais para mellora-la orientación témporoespacial
- Colaboración na correcta administración do tratamento médico prescrito
- Calquera outra atención de carácter persoal e específico para acadar-la finalidade do servizo

2.b) Hixiene persoal:

- O aseo diario debe realizarse no domicilio do usuario. A empresa adxudicataria complementará o dito aseo en caso de que sexa necesario.

2.c) Dietética:

- Atenderanse as necesidades nutricionais dos usuarios, de acordo co seu estado orgánico e metabólico, segundo as indicacións dos facultativos que correspondan.

3.- MÓDULO DE SOCIALIZACIÓN E PARTICIPACIÓN.

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

3.a) Relacións persoais:

- Creación de grupos de diálogo e fomento das relacións interpersoais
- Encontro con outros colectivos e planificación de actividades comúns
- Celebración de festas, aniversarios, etc.

3.b) Ocio e cultura:

- Organización de xogos e actividades de ocio
- Audicións musicais
- Audiovisión de películas
- Grupos de lectura
- Recollida e exposicións de fotografías

3.c) Actividades creativas:

- Talleres diversos de debuxo, pintura, manualidades, etc.
- Taller de estimulación cognitiva

4.- MÓDULO DE PRESTACIÓNS COMPLEMENTARIAS.

- Transporte
- Aqueloutras que se poidan acordar e que sexan necesarias para o normal funcionamento do servizo

CLÁUSULA SEGUNDA.- TIPOS E CARACTERÍSTICAS DOS SERVICIOS.

HORARIO:

Dende as 9:00 h da maná ata as 20:00 h da tarde, de luns a sábado (sempre laborables), ámbolos dous días inclusive con servizo de almorzo, xantar e merenda. Asimesmo prestarase o servizo dous domingos ó mes (primeiro e terceiro domingo) en horario de 11.00 a 17.00 horas con servizo de almorzo, xantar e merenda.

Serán de conta da empresa adxudicataria os servizos de manutención e transporte.

O servizo de manutención comprenderá o almorzo, xantar e merenda agás os domingos que só se prestará o servizo de xantar.

O servizo de transporte incluírá os traxectos de ida e volta.

Os menús adaptaranse ó réxime que teña que gardar cada usuario.

O servizo de transporte incluírá ós traxectos de ida e volta. Para os casos nos que a praza sexa ocupada por dous usuarios (p.ex un en xornada de mañá e outro de tarde) a empresa facilitará o transporte de ida e/ou volta ó mediodía.

CLÁUSULA TERCEIRA.- RELACIÓNS ENTRE A ADMINISTRACIÓN E O CONTRATISTA.

O Concello terá, en todo caso, as seguintes potestades en relación á execución do servicio:

- Ordena-las modificacións na realización do servicio que o interese público aconselle e que lle serán comunicadas con antelación suficiente á entidade adxudicataria, así como establece-los indicadores e requisitos de calidade que terá que cumprir-la empresa adxudicataria.
- Fiscaliza-la xestión do servicio, inspeccionando as tarefas que estean a desenvolver para comprobar se son acordes coas indicacións dadas, pedir canta información sexa necesaria e dá-las ordes oportunas para manter e restablece-la debida calidade da realización do servicio.
- Dirixi-las actividades e controla-lo correcto desenvolvemento das prestacións asignadas. O Concello será responsable do seguimento e avaliación do servicio.

Serán obrigas xerais do contratista, ademais das contidas noutras cláusulas deste prego, as seguintes:

- Asumi-la xestión do servicio concertado con obxectivos claros de ofrecer un servicio de carácter social, que require unha permanente disposición organizativa e unha adaptación ás distintas situacións que poidan xurdir.
- Cumpri-las ordes do Concello dadas polo responsable municipal dos centros de día respecto á remisión de usuarios, baixas temporais, definitivas e modificacións na atención do servicio obxecto do presente contrato.
- Mante-lo responsable municipal dos centros de día permanentemente informado sobre a evolución dos usuarios; deberase ter unha reunión mensual, que se celebrará o día que ámbalas dúas partes acorden.
- Contar, en todo momento, cos medios materiais e persoais suficientes en número e cualificación para atende-lo servicio obxecto de contrato, asumindo tódalas custas derivadas da relación de dependencia do persoal, así como tódalas responsabilidades, tanto na execución do servicio como en materia de persoal, que en ningún caso se considerará como persoal do Concello.

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

- Esixirlles formación técnica ós seus traballadores en materias propias do servizo que deben levar a cabo.
- O adxudicatario e o persoal que realiza a atención deberán evitar todo conflito persoal cos usuarios e cos seus familiares, e informará ó responsable municipal dos centros de día, de forma inmediata, dos posibles incidentes que xurdan.
- Permitir que o usuario reciba visitas, que se efectuarán entre as 12:00 horas e as 13:00 horas; en calquera caso, serán autorizadas expresamente polo usuario ou responsable familiar.
- Prohibirles ós seus traballadores aceptar calquera tipo de gratificación, doazón ou contraprestación económica por parte dos usuarios. A empresa será responsable do cumprimento desta obriga e deberá informar ó departamento dos Servizos Sociais de calquera situación desta natureza que se produza.
- A empresa será responsable da calidade técnica dos servizos realizados, así como das consecuencias que se deduzan para o Concello ou para terceiros das omisións, erros, métodos inadecuados ou conclusións incorrectas da execución do contrato.
- A empresa adxudicataria comprométese a comunicar por fax, no prazo de 24 horas, calquera incidencia que poida producirse durante a realización do servizo.

CLÁUSULA CUARTA.- ORGANIZACIÓN E FUNCIONAMENTO DO SERVIZO.

O técnico municipal responsable dos centros de día determinará, seguindo a orde de puntuación establecida nas listas de espera vixentes, os usuarios que se deriven ás prazas concertadas.

Tamén haberá de achegarlle previa autorización do interesado á empresa adxudicataria a seguinte documentación:

- Fotocopia do DNI do usuario
- Fotocopia do DNI do familiar responsable ou representante legal
- Fotografía grande de medio corpo
- Fotocopia da tarxeta sanitaria do Servizo Galego de Saúde ou servizo médico de carácter privado

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

- Informe médico no que se expresen tódolos aspectos relacionados coa saúde do beneficiario.
- Informe social no que expresen un diagnóstico social e demais datos que resulten imprescindibles para a correcta execución do servizo
- Autorización do usuario -ou do seu representante- para proceder, en caso de urxencia, ó traslado do usuario a un centro médico público ou privado, segundo a cobertura médica correspondente.

Toda esta documentación deberá ser devolta ós usuarios ou ben ós servizos sociais municipais unha vez rematado o contrato. Asimesmo e respecto a outra documentación que durante o contrato se achegue, será devolta ó interesado ou ben ó Concello de Lugo previa autorización daquel.

O contratista, a través do coordinador, comunicarlle por escrito (vía fax ou correo electrónico) ó técnico municipal responsable dos centros de día do concello a data de inicio real do servizo.

O adxudicatario informará mensualmente, a través dunha folla de seguimento individualizado, da evolución que se produza respecto de cada usuario. Esta información seralle remitida ó responsable municipal dos centros de día.

O coordinador ou encargado que nomee o adxudicatario deberá manter unha reunión mensual co responsable municipal dos centros de día para tratar todas aquelas cuestións que se considere necesario e para realiza-lo seguimento dos casos atendidos. A dita reunión celebrárase o día que dispoñan ámbalas dúas partes.

Os usuarios deberán acepta-las normas de funcionamento interno do centro.

As comidas adaptaranse ás necesidades nutricionais dos usuarios, de acordo co seu estado orgánico e metabólico, segundo os réximes que teña que gardar cada usuario.

As comidas deberán axustarse ó seguinte horario:

- Almorzo..... Das 9:00 horas ás 11 horas
- Xantar..... das 13:00 horas ás 15 horas
- Merenda das 17:30 ás 18:00 horas

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

O servizo de transporte incluíra os traxectos de ida e volta. Este servizo levarase a cabo sempre baixo a vixilancia e o acompañamento, como mínimo, dun coidador.

No caso de usuarios/as moi afectados fisicamente que non poidan trasladarse facilmente ó portal do domicilio e carezan de axuda, procederase ó acompañamento dende o domicilio ata o vehículo e viceversa. Así a empresa contratante deberá dispoñer-las medios persoais e materiais necesarios para prestar este servizo nas condicións expostas.

O traxectos de ida e volta serán planificados de forma que, na medida do posible, o usuario se atope no centro ás 9:00 horas da mañá, iniciándose o traxecto de volta ás 20:00 horas da tarde agás os domingos que o usuario estará no centro as 11.00 e a volta incíase a partir das 17 horas.

A hixiene persoal do usuario realizarase no seu domicilio. A empresa adxudicataria completará, se fose necesario, a hixiene dos usuarios.

O material básico para o aseo persoal diario (cueiros, crema e utensilios de afeitar, cepillo e crema de dentes, crema hidratante, peite, etc.) serán por conta do usuario.

O material complementario (toallas, xabóns, xeles...) serán por conta do adxudicatario.

En caso de urxencia ou accidente do usuario, a empresa adxudicataria deberá realiza-las xestións necesarias para o seu traslado ó centro público ou privado que -segundo a cobertura médica do usuario- estime máis oportuno, e daralle conta inmediata á familia, así como ó responsable municipal dos centros de día.

Nos supostos de non ocuparse praza, así como hospitalización, vacacións ou similares nos que se supere o período de 5 días, descontaranse do prezo mensual as cantidades correspondentes a manutención e transporte.

CLÁUSULA QUINTA.- NOMEAMENTO DO COORDINADOR E PERSOAL QUE SE VAI EMPREGAR.

Para a correcta coordinación do servizo, a entidade adxudicataria asignará un coordinador ou encargado, coas funcións de dirixir e controla-lo correcto desenvolvemento das prestacións, e manterá constantemente informado

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

da marcha do servizo ó técnico municipal responsable, asumindo as directrices indicadas por este, a fin de lograr unha axeitada realización do servizo.

O coordinador estará permanentemente localizable, co fin de resolver cantas incidencias poidan producirse durante o desenvolvemento deste.

A empresa adxudicataria deberá contar ademais, e como mínimo, co seguinte persoal cualificado (en plantilla ou mediante contratacion do servizo destes profesionais): un terapeuta ocupacional, un traballador social, un médico coa especialidade de xeriatria, un enfermeiro/a, un fisioterapeuta, un psicólogo e deberá prestar de maneira regular servizo de perruquería e podoloxía.

Deberán contar con coidadores en número suficiente para levar a cabo unha correcta prestación do servizo.

En ningún caso o Concello de Lugo se subrogará nas relacións contractuais entre a empresa contratista e os seus traballadores ó finaliza-lo concerto, calquera que sexa a súa causa e procédase ou non a unha nova adxudicación.

O persoal que se empregue non terá ningún tipo de relación laboral, contractual ou de natureza ningunha co Concello de Lugo, e a empresa deberá ter debidamente informado desta cuestión ó seu persoal.

O adxudicatario deberá cumprir tódalas disposicións vixentes en materia laboral, de seguridade social e hixiene no traballo referidas ó propio persoal ó seu cargo e respecta-los convenios colectivos en vigor.

CLÁUSULA SEXTA.- PROTECCIÓN DE DATOS.

A empresa adxudicataria e o persoal que empregue obríganse ó cumprimento estricto das normas vixentes contidas na Lei Orgánica 15/1999, de Protección de Datos de Carácter Persoal en relación cos que coñezan por razón da realización do servizo e, así mesmo, ó respecto profesional.

CLÁUSULA SÉTIMA.- RESPONSABILIDADE CIVIL.

En todo caso, a empresa adxudicataria deberá presentar, antes da sinatura do contrato:

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

-Copia da póliza de responsabilidade civil xeral para obxecto do contrato con inclusión da responsabilidade civil patronal, que cubra os riscos que puidesen producirse durante a execución do contrato tanto para traballadores como para usuarios, con un límite mínimo de 300.000 € por sinistro e un sublímite por vítima non inferior a 150.000 €.

-Copia póliza de accidentes para os usuarios dos servizos, sendo as cuantías mínimas de capitais e garantías as seguintes:

morte 30.000 €

invalidez absoluta e permanente 30.000 €

asistencia sanitaria por accidentes ilimitada en centros concertados.

-Copia recibos ingresados en relación ás pólizas de referencia.

Ademáis dos seguros obrigatorios por lei pola prestación da actividade obxecto do contrato.

En caso de accidente ou de perxuízo de calquera xénero que lle aconteza ós traballadores/as con ocasión do exercicio das súas funcións, o adxudicatario cumprirá co disposto nas normas vixentes baixo a súa responsabilidade, sen que esta alcance de ningún modo ó Concello de Lugo.

CLÁUSULA OITAVA.- FORMA DE PAGAMENTO.

O pago do servizo efectuarase, logo que o contratista presente as correspondentes facturas, con carácter mensual, e nelas deberase facer constar

Relación nominal de usuarios atendidos na mensuralidade e detalle dos servizos realizados, incluíndo o número de comidas subministradas e mailo transporte.

Terceiro. Aprobar o gasto de 71.556 euros correspondentes ó gasto imputable á anualidade 2010 con cargo á aplicacion orzamentaria 23360.22799 e comprometerse a habilitar crédito presupostario no presuposto do ano 2011 e seguintes no caso de prórroga.

CONTRATACION, PATRIMONIO E FOMENTO

MLA/atm

Refº: Proposta concerto dez prazas centro de día 2010.doc10 (10FEESL04)

Asunto: Concerto DEZ prazas centro de día 2010

Cuarto. Aprobar a adxudicación por procedemento aberto, de acordo co disposto nos artigos 122, 141 e seguintes da Lei 30/2007, de 30 de outubro, de contratos do sector público.

Quinto.- Publicar o anuncio de licitación no Boletín Oficial da Provincia de Lugo así como no perfil do contratante do Concello de Lugo.

Lugo, 15 de marzo de 2010

A TÉCNICO DO SERVIZO
SERVIZO
DE CONTRATACIÓN

O XEFE DO
DE CONTRATACIÓN

Asdo. Ana Tabarés Martínez

Asdo: Manuel Louzao Aldariz

CONFORME,
A CONCELLEIRA DELEGADA DA ÁREA

Asdo: Sonia Méndez García